



Infoinformaziuns

marz 2024

Stimats genituors

Nus vain pudü festagiar ultimamaing las duos üsanzas da l'Hom Strom e Chalandamarz. In quist mumaint lessna ingrazchar a tuot ils genituors ed eir generalmaing a la populaziun pel grond sustegn cha nus giordan in quist'occasiun. I's vezza adüna a tschients da fatschas chi han plaschair da verer a tuot ils uffants in plain'acziun. Eir ils blers rebombs cha nus surgnin adüna darcheu muossan chi vain predschà l'ingaschamaint da tuot il team da magistras e magisters da scoula e scoulina inseemel culs uffants. Nus provain eir da far adüna darcheu adattamaints per optimar ün o tschel punct, ma provain listess da mantgnair il minz da l'üsanza. Üna müdada varan Els vis cha nus vain fat pro'l ballin dal davomezdi, ma eir cul schloppar la giaischla o culla disco pels uffants gronds sun ils teams adüna darcheu landervia a chattar üna buna fuorma da l'üsanza dals uffants. Nus giavüschain però d'avair eir l'incletta schi nun es adüna sco cha svess as chattessa optimal. Id es ün fat chi dà in nossa società differentas opiniuns e cha finalmaing vöglan tuots be il böñ da noss uffants. Grazcha fich pel sustegn. Grazcha fich a meis team da persunas d'instrucziun.

Ün ingrazchamaint special lessa dar in quist mumaint eir a tuot il rest da noss partenaris chi'ns sustegnan adüna darcheu pro tuot l'organisaziun da tuot las üsanzas o in otras occasiuns. Id es bod impussibel da nomnar quels e fich bain pussibel ch'eu varà invlidà ad ün o tschel: al Cumün da Scuol per fich differents servezzans, a la Chasa Puntota, a la Giuventüna, als paurs chi mettan a disposizion plumpas, a tuot quels chi mettan a disposizion blusas e gaischlas, a tuot ils affars/butias, a la Pulizia Chantunala ed AutoDaPosta pella collavuraziun dürant ils cortegis, a la musica dal Chalandamarz, a la Gruppa da gö, a tuots quels chi dan donaziuns pel Chalandamarz, a las mammas chi fan tuortas pel Hom Strom, a quels chi güdan a metter in pè l'Hom Strom, a la Società da musica da Scuol ed apunta amo a quels chi nu sun manzunats explicitamaing.

Marchà da Nadal scoula primara

Nus vain grond plaschair da pudair comunichar cha cul grond schmerdsch dal marchà da Nadal da passa 2500 CHF vaina pudü far 3 bellas donaziuns a las seguaintas organisaziuns: Gruppa da gö Scuol, Canorta Milla Villa Scuol e Tavulin magic da Scuol. Grazcha a scolaras e scolars da primara per tuot l'ingaschamaint ed a tuot ils paraints e cuntschaints chi han cumprà ils prodots gnüts zambriats cun gronda premura.

Scolaziun da las persunas d'instrucziun da las scoulas da Scuol

In **marcurdi, 24 avrigl 2024**, ha lö ün di da scolaziun obligatoric per tuot las persunas d'instrucziun dal cumün da Scuol (scoulina, scoula primara, s-chalin ot). **Uschè crouda oura l'instrucziun quel marcurdi avantmezdi per tuot las scolaras e'ls scolars da las scoulas da Scuol.** Tenor ledscha da scoula han genituors chi nu pon survagliar dürant avantmezdies sainz'instrucziun a lur uffants la possibiltà dad annunzchar quai a la scoula e quella sustegna cun tscherchar lura üna soluziun. Genituors chi giavüschian cha lur uffant gnia survaglià quist avantmezdi (ciclus 1 e 2), annunzchan per e-mail quist bsögn al manader da scoula (mario.rauch@miascoula.ch), fin als 22 marz 2024. Sainza annunzcha resta l'uffant a chasa quist avantmezdi. In che maniera cha quist accumpagnamaint vain organisà nun es amo cuntschaint e sta illa responsabilità da la scoula (p. ex. famiglias externas, chüra Cumbinella, etc.).

Chalender d'occurrenzas

Il chalender d'occurrenzas as chatta sulla pagina d'internet. Causa müdamaints chi dà listess amo qua o là, nu publichaina quel quia sün quist fögl e train attent da consultar la pagina d'internet. (www.scoula-scuol.ch/scuol/program-da-lon/).

Nouvas persunas d'instrucziun

I'l decuors da l'utuon/inviern sun gnüdas tschernüdas differentas nouvas persunas d'instrucziun/survaglianza pella scoula da Scuol. I's tratta quia da las seguaintas persunas: **Sara Kopania**, magistra da classa primara, **Andrea Röthlisberger**, survaglianza maisa da mezdi e **Rafaela Dorta**, Cumbinella. Davart ulteriurs müdamaints



(persunas d'instrucziun chi bandunan la scoula da Scuol, persunas d'instrucziun chi müdan la funczion) sco eir la spartiziun da las classas, orientaina cur cha tuot es cuntschaint davo il temp per inoltrar las desdittas, in forma d'üna circulara o illa prosma Gazetta da scoula.

Structuras dal di (dumonda dal bsögn 3. fin 9avla classa)

Sco chi Tils es cuntschaint vegnan sportas per scolaras e scolars da scoulina fin 2. classa structuras dal di cun maisa da mezdi in cas chi'd es quia il bsögn. L'infuormaziun in chosa segua independentamaing da quista e directamaing da la Chüra Cumbinella. Pel rest dals scolars vegna organisà inavant sco fin uossa, üna sporta sur mezdi adüna il lündeschdi, mardi, gövgia e venderdi, insembe cullas scolaras e culs scolars da tschellas fraciuns chi restan quia sur mezdi. Per avair ün'idea co chi guarda oura cul interess dal prossem on da scoula, Tils faina darcheu la dumonda da princip. Ulteriurs detagls e la possibiltà da s'annunzchar definitivamaing (pro quels chi han muossà interess da far adöver da la maisa da mezdi) seguan lura plü tard, cur chi sun eir cuntschaints ils uraris da l'on chi vain. Nus Tils giavüschain dad indichar Lur interess cun implir oura il talun d'annunzcha agiunt fin als 22 marz 2024. Ils cuosts pella maisa da mezdi importaran sco fin uossa 12.-CHF / mezdi. Scolars e scolars da Guarda e d'Ardez nu ston implir oura quist questiunari e surgniran plü tard infuormaziuns.

Plünivant pon Els eir circumscriver schi vessan bsögn dad ulteriuras sportas da structuras dal di (p. ex. survaglianza avant o davo scoula o il marcurdi davomezdi). Per plaschair dar cuntschaint quai in detagl in scrit o per e-mail al manader da scoula. Ils cuosts per quistas sportas ston gnir surtuts dals genituors. Uschè sportas vegnan organisadas be schi'd es avantman ün bsögn (tenor ledscha da scoula chantunala artichel 27).

Davart ulteriurs detagls vegnan infuormats quels chi han demuossà lur interess.

Ed uossa resta amo dad ingrazchar a tuots pella collavuraziun e la fiduzcha e giavüschar a tuots ün bel temp da prümavaira.

Amiaivels salüds



Mario Rauch, manader da scoula

X-----

Talun d'annunzcha (dumonda da bsögn)

Nus fessan jent adöver da las structuras dal di tenor las cundiziuns manzunadas survert e quai:

- lündeschdi a mezdi (maisa da mezdi)
- mardi a mezdi (maisa da mezdi)
- gövgia a mezdi (maisa da mezdi)
- venderdi a mezdi (maisa da mezdi)

otras remarchas o oters bsögns da structuras dal di: _____

Nom e classa (2023/24) da l'uffant: _____

Suottascripziun genituors: _____

Bemerkung: Die allgemeine Korrespondenz der Gemeindeschule Scuol wird nur in der offiziellen Gemeindesprache verfasst, d. h. auf Romanisch. Das Schulsekretariat steht aber gerne zur Verfügung, um Eltern anderer Sprachen, genauere Auskünfte zu geben. Die offiziellen Öffnungszeiten des Schulsekretariats sind in der „Gazetta da scoula“ publiziert.

Nota: A correspondência que a escola manda a todos os pais é escrita com a lingua oficial da cumuna, ou seja o rumantsch. O secretariado da escola está á disposição das encarregados de educação em caso de duvidas. O horario do secretariado está publicado en „Gazetta da scoula“.